



Trg pravde 10, 76100 Brčko distrikt Bosne i Hercegovine; web: jt-brckodistriktbih.pravosudje.ba; tel: 049/217-227; faks: 049/219-088; e-pošta: jtbd@jtbd.ba
Трг правде 10, 76100 Брчко дистрикт Босне и Херцеговине; web: jt-brckodistriktbih.pravosudje.ba; тел: 049/217-227; факс: 049/219-088; е-пошта: jtbd@jtbd.ba

Broj: T18 0 KT 0015116 21
Brčko, 15.12.2021. godine

Na osnovu člana 35. stav 2. tačka i) i člana 226. stav 1. Zakona o krivičnom postupku Brčko distrikta BiH, podižem

OPTUŽNICU

Protiv:

Osman Husejnović ... rođen ...1989. godine u Brčkom ...

Što je:

Dana 10.03.2021. godine, oko 03,00 časova u naselju Prutače, Brčko distrikt BiH u neposrednoj blizini trgovačkog objekta „Omer prom“ i vjerskog objekta – džamije, u namjeri da drugog pokuša lišiti života, nakon kraće rasprave sa N. A, koji se putničko motornim vozilom marke „Audi Q7“ registarskih oznaka ..., u kojem su pored A. bili Đ. O. i E. DŽ, zaustavio kod navedenog objekta i krenuo prema Osmanu Husejnović, koji se nalazio zajedno sa S. T, u neposrednoj blizini parkiranog putničko motornog vozila marke „Audi A4“, registarskih oznaka ..., vlasništvo A. H, kojeg koristi Osman, kako bi raspravili prethodnu svađu koju su imali u N. kući, nakon čega je ponovo došlo do svađe između N. i Osmana, kada je Osman iza pojasa izvadio pištolj marke „CZ M70“, kalibra 7,65 mm, f. br. 28179, te svjestan da ne posjeduje odgovarajuću ispravu o oružju, kao i da je građanima zabranjeno nabavljanje, držanje i nošenje oružja kategorije "B" bez odgovarajuće isprave o oružju, držao navedeni pištolj, koje oružje se svrstava u oružje kategorije "B" iz člana 6. tačka b) alineja 1. Zakona o oružju i municiji Brčko distrikta BiH, a što je protivno članu 7. stav (3) navedenog Zakona i iz istog sa rastojanja većeg od 1,5 m, ispalio dva hica, od kojih je jedan pogodio N. u predjelu stomaka, usljed čega je N. zadobio teške po život opasne tjelesne povrede u vidu strelne povrede trbuha tipa prostrela, sa ulaznim strelnim otvorom na prednjem trbušnom zidu lijevo, na oko 3 cm od pupka i izlaznim strelnim otvorom u desnom slabinskom predjelu, sa višestrukim probojima pojedinih vijuga tankog i prostrelnim probojem slijepog dijela debelog crijeva, te slijedstveno nastalog izliva krvi u trbušnu duplju, nakon čega su Osman i S. sjeli u motorno vozilo marke „Audi A4“ i otišli sa lica mjesta, dok se N. zajedno sa E. i Đ., vozilom marke „Audi Q7“ odvezao u Bolnicu Brčko, kada je podvrgnut operativnom zahvatu,

dakle, pokušao drugog lišiti života i bez važeće isprave o oružju nabavio i držao oružje kategorije „B“,

čime je počinio krivično djelo –Ubistvo– u pokušaju iz člana 163. stav (1) u vezi sa članom 28. Krivičnog zakona Brčko distrikta BiH i krivično djelo –Neovlaštena nabavka, držanje ili prodaja oružja ili bitnih dijelova za oružje – iz člana 65. Zakona o oružju i municiji Brčko distrikta BiH, a sve u vezi sa članom 54. Krivičnog zakona Brčko distrikta BiH.

Preduzimanje radnji krivičnog gonjenja prema određenoj osobi ne znači da je ta osoba zaista i odgovorna za počinjenje krivičnog djela. Prema principu presumpcije nevinosti, svako se smatra nevinim za krivično djelo dok se pravosnažnom presudom ne utvrdi njegova krivica